

# Bájkkeavijssa NuorttaSálto

■ Barggo Nordlándá histávrrájn ávddán plána milta. Moarmes- máno mañnegietjen tjalmostahteduvvá sáme histávrrá semináran Mosjøenin.

Nordlándá histávrrá birra galggi gálmma girje tjáleduvvat ja juohkka oasse Nordlándá histávrrás galggá tjáleduvvat állu dálutjijis gitta udnátjij. Nordlándá fylkasuohkan le prosjektavásstediddje, valla le báلكkim Nordlándá Universitehtav fágallasj bargov tjadadittjat.

Professor Alf Ragnar Nielssen le bargo dájmadiddje ja fágallasj vásstediddje, ja barggij le sujna girjekomitea doarjjan. Vihtta dutke arkeologija- ja histávrrá- fágallasj máhtudagájn li virggáj biejadum dán barggij. Bargadahttij li aj ásadahttám muhtem seminára, gánná lidjin lågádallama fáhkaultijis ájnás histávrrásj tiemáj birra aktan ságastallamij, sárnnosij bájkálasj histávrrá- fáhkaultijij ja iehpeformálasj æjvvalime ja ságastallama ulmuttij duon dán duogátjij. Gájkaj aktisasj miella fylka histávrrá gáktuj.

Vidát seminára galggá tjadaduvvat Mosjøenin moarmes máno 25.-27. bieje. Danna galggá sáme histávrrá ja industri- histávrrá tjalmostahteduvvat. Sáme oassáj, moames máno 26. bieje, li bied- jam bajelttjállagav "Tjegadum sáme- vuolta". Dánna galggá duola dagu Bjørg Evjen, guhti le tjállám Divtasvuona bájke histávrrá, subtsastit "tjegos" sáme duoddima birra industrijaj. Biejvvet ávddála galggá Ellen-Astri Lundby ávddánbuktet ja vuosádallat suv filmav *Min mors hemmelighet* – tjegadum sámevuoda birra.

Nordlándá fylkka le guhkke ja giedtse. Fylkan le guhka merragádde mij le bájnimm ulmuttij ájadusájt ja dájmajt ájgij tjadá. Nuorre le ienebut viehkken aktijvuodav tjadnat ienni gå dav hieredit. Valla Nordlándan le aj sisednam ja



Samer utrustet egne mannskap og båter til Lofotfiske. Her skildret av Milton J. Burns: Lappiske fiskere vender hjem fra Lofoten. (Bårjås 2006). Den amerikanske kunstneren Burns (1853-1933) var i Norge og «Lappland» i 1899.

Tæksta: Børge Strandskog  
Járggálibme: Divte Media AS / Ingrid Kintel

## Seminára Nordlándá sáme histávrrá birra

duoddara ma li ulmutja iellemijt birástaht- tám, ja ma li ulmuttijt tjadnam rádnajda rájá nuppe bielen. Fylka topografija ij le guossak máhttelisvuodav vaddám homogena álmugav ásadit. Álmuk le agev læhkám moattetjerdak gánná juohkusa li rijddalam ja vilá rijddali nubbe nuppijn, valla aj moattevuolta mij le lasedam ja gábtjám moattelágásj juohkusij dárbojt. Lufáhtaguollim le

ihkap ienemus sierralágásj dan láhkáj, gánná guollára álles fylkas – sáme ja látte – li æjvvalim ja ávkástallam dat árvulasj luohkkos, jáddi, sæmmi bále gå buktin máhtudagáv ja vædtsagijt ma ettjin Lofáhtan gávnnu, duola dagu vantsa. Ja de sijddaj moaddun ádá vásádusáj ja átsádallamij – ja doajvo- dahte muhtem ekonomalásj báhtusij. Histávrrátjoahkke Nordlándá birra

galggá álliduvvat jagen 2013/14, ja galggá állásit gávvidit ekonomalásj, sosiálalásj, politihkalásj ja kultuvralásj ávddánahttemav fylkan állu dálutjijis gitta udnásj bæjvváj. Álgos jagen 2008 lij prosjevtav budsjehtta 10 millijávná krávná.

Tæksta:  
Børge Strandskog  
Járggálibme:  
Divte Media AS/  
Ingrid Kintel

## Dahkorásse álggon ja sinna

Drag IL le dáhkorasstjektjamsaljov dahkamin. Drag Aktivitetspark sihtá galmmahállav dahkorásijn tsieggit.



Barggo dahkorásstjektjamsaljojn le juo jáhtuj boahám, ja tjuovvu ájggemierijt ja ekonomalásj mærrádusájt. Vuodabarggo moarmes mánon álliduvvá, ja dalloj galggi aj 28kW-tjuovvggarustiga dájman liehket. Dahkorásse le diñgudum, ja plánaj milta biejaduvvá biehtsemáno vuostasj vahko.

Drag Aktivitetspark le Divtasvuona suohkanis áhtsám 2 milliávná ruhtadoarjjan galmmahállav tsieggitjij. Biednigijt áhtsi esski vuododum Merraæládusá kultuvra- ja æládusfándas. Prosjekta budsjehteriduvvá 6,5 milliávnáj, guovte jahkaj. Áhtsámusán tsuojgiduvvá gáktu

Ájluokta le ávddánahttemin. Barggosaje li lassánime, ja dárbo le fáhkaultijijda. Dan hárráj le tjektjamhálla vuogas, suohkanij ja priváhta vidnudagájda. Jus Drag Aktivitetspark prosjevtav nahki tjadadit, oadtju Ájluokta Nuortta-Sálto vuostasj dahkorásstjektjammhállav. Áhtsámusán aj ávddán boahá ietjá adnosuorge hállaj gå fotbállo/válastallam. Dáhki stuoráp márnánijt ja vuosádusájt ásadit, duola degu jahkasasj Ájluovta Doajmmamárnánav. Plánaj milta galggá hálla liehket 43 x 65 mehtera, madi tjektjamsalljo sjadad 40 x 62 mehtera.